



O`ZBEKISTON RESPUBLIKASI VAZIRLAR MAHKAMASINING QARORI

20 23 yil « 3 » noyabr

№ 583

Toshkent sh.

Спорт соҳасида давлат хизматлари кўрсатишни янада такомиллаштириш чора-тадбирлари тўғрисида

Ўзбекистон Республикаси Президентининг “Рақамли хизматлар қамрови ва сифатини ошириш ҳамда соҳа, тармоқ ва худудларни рақамли трансформация қилиш чора-тадбирлари тўғрисида” 2023 йил 24 майдаги ПҚ-162-сон қарори ижросини таъминлаш, шунингдек, спорт соҳасида давлат хизматларини кўрсатиш жараёнларини такомиллаштириш мақсадида Вазирлар Маҳкамаси қарор қиласди:

1. Куйидагилар:

Давлат спорт-таълим муассасаларига ўқувчиларнинг хужжатларини қабул қилиш ҳамда уларнинг ўқишини кўчириш бўйича давлат хизматларини кўрсатишнинг маъмурий регламенти **1-иловага** мувофиқ;

Ўзбекистон футбол ассоциацияси футбол академиялари га ўқувчиларнинг хужжатларини қабул қилиш ҳамда уларнинг ўқишини кўчириш бўйича давлат хизматларини кўрсатишнинг маъмурий регламенти **2-иловага** мувофиқ тасдиқлансан.

2. Белгилансинки, ушбу қарор билан тасдиқланган маъмурий регламентларга мувофиқ давлат хизматлари давлат хизматлари марказлари ёки Ўзбекистон Республикаси Ягона интерактив давлат хизматлари портали (кейинги ўринларда – ЯИДХП) орқали **2023 йил 1 декабрдан** бошлаб кўрсатилади.

3. Ўзбекистон Республикаси Ёшлар сиёсати ва спорт вазирлиги Ўзбекистон футбол ассоциацияси, Рақамли технологиялар вазирлиги билан биргаликда **2023 йил 20 ноябрга қадар**:

мазкур қарор билан тасдиқланган маъмурий регламентларга мувофиқ давлат хизматларининг ЯИДХП орқали жорий этилишини таъминласин;

“ERP sport” ягона электрон бошқарув тизимини ЯИДХПга интеграция қилиш чораларини кўрсинг;

ЯИДХПда давлат хизматлари кўрсатилишининг ҳар бир босқичида мурожаатларнинг кўриб чиқилишини кузатиб боришни жорий этсин.

4. Ўзбекистон Республикаси Адлия вазирлиги:

давлат органлари ва бошқа ташкилотлар томонидан давлат хизматлари кўрсатилишининг белгиланган тартиби бажарилиши юзасидан ЯИДХП орқали доимий назорат ўрнатсин;

ушбу қарор билан тасдиқланган маъмурий регламентлар талабларини бузганик учун давлат органлари ва бошқа ташкилотларнинг мансабдор шахсларига нисбатан белгиланган тартибда маъмурий жазоларни қўлласин.

5. Ўзбекистон Республикаси Ёшлар сиёсати ва спорт вазирлиги манфаатдор вазирлик ва идоралар билан биргаликда ўзлари қабул қилган норматив-хукуқий ҳужжатларни **икки ой муддатда** ушбу қарорга мувофиқлаштирун.

6. Мазкур қарорнинг бажарилишини назорат қилиш Ўзбекистон Республикаси ёшлар сиёсати ва спорт вазири А.И. Икрамов ҳамда Ўзбекистон Республикаси адлия вазири А.Ж. Ташкулов зиммасига юклансин.

Ўзбекистон Республикасининг
Бош вазири



А. Арипов

Вазирлар Маҳкамасининг
2023 йил “3” ноябрдаги 583-сон қарорига
1-илова

**Давлат спорт-таълим муассасаларига ўқувчиларнинг хужжатларини
қабул қилиш ҳамда уларнинг ўқишини кўчириш
бўйича давлат хизматларини кўрсатишнинг
МАЪМУРИЙ РЕГЛАМЕНТИ**

1-боб. Умумий қоидалар

1. Мазкур Регламент Ўзбекистон Республикаси Ёшлар сиёсати ва спорт вазирлиги (кейинги ўринларда – Вазирлик) тизимидағи давлат спорт таълим муассасалариға болаларнинг ўқишига кириш учун хужжатларини қабул қилиш ҳамда давлат спорт таълим муассасаларида таҳсил олаётган ўқувчиларни бир давлат спорт таълим муассасасидан бошқасига кўчириш бўйича давлат хизматини кўрсатиш тартибини белгилайди.

2. Ушбу Регламент талаблари Вазирлик тизимидағи спорт мактаблари ва ихтисослаштирилган спорт мактаблари, Олимпия ва миллий спорт турлари бўйича давлат ихтисослаштирилган мактаб-интернатлари, Олимпия ва паралимпия спорт турларига тайёрлаш марказларига (кейинги ўринларда – спорт таълим муассасалари) нисбатан қўлланилади.

Мазкур Регламент бошқа вазирлик ва идоралар тизимидағи спорт таълим муассасалари ҳамда нодавлат спорт таълим ташкилотларига нисбатан татбиқ этилмайди.

3. Ушбу Регламентда қуидаги асосий тушунчалар қўлланилади:

ариза берувчи – ушбу Регламентга мувофиқ спорт таълим муассасалариға ўқишига кириш учун хужжатларини қабул қилиш ёки ўқишини бир спорт таълим муассасасидан бошқасига кўчиришни сўраб мурожаат қилган Ўзбекистон Республикаси фуқароси, Ўзбекистон Республикаси худудида яшаш гувоҳномасига эга бўлган чет эл фуқароси ёки фуқаролиги бўлмаган шахс (ўн олти ёшга тўлмаган шахс номидан мурожаат қилган унинг қонуний вакили);

давлат хизмати – Давлат хизматлари маркази ёки Ягона интерактив давлат хизматлари портали (кейинги ўринларда – ЯИДХП) орқали ариза берувчининг спорт таълим муассасалариға ўқишига кириш учун хужжатларини қабул қилиш ёки ўқишини бир спорт таълим муассасасидан бошқасига кўчириш;

қабул режаси – спорт таълим муассасаси худудидаги аҳоли сони, шу жумладан, мактаб ёшидаги болалар сони, спорт таълим муассасасининг қуввати ва тренерлар билан таъминланганлигини инобатга олган ҳолда, муассаса томонидан шакллантириладиган ҳамда Қорақалпоғистон Республикаси Ёшлар сиёсати ва спорт вазирлиги, вилоятлар ва Тошкент шаҳар

ёшлар сиёсати ва спорт бошқармалари томонидан Вазирлик билан келишган ҳолда тасдиқланадиган режа.

4. ЯИДХП ва спорт таълим муассасалари ўртасидаги электрон давлат хизматларини қўрсатиш доирасида ахборот алмашинуви “Электрон ҳукумат” идоралараро интеграциялашув платформаси орқали амалга оширилади.

Давлат хизмати қўрсатиладиган спорт таълим муассасалари рўйхатини шакллантиришда олис ва чекка худудларда фуқароларнинг электрон давлат хизматлари порталидан фойдаланиш имкониятлари мавжудлиги инобатга олинади.

5. Вазирлик томонидан ҳар йили 1 январга қадар ўқувчиларнинг спорт таълим муассасаларига ўқишига кириши учун хужжатларини қабул қилиш ёки уларни бир спорт таълим муассасасидан бошқасига қўчириш бўйича давлат хизмати қўрсатиладиган худудлар рўйхати, қабул муддатлари тасдиқланади ва ўз расмий веб-сайтида эълон қилинади.

6. Ариза берувчининг доимий яшаш ёки вақтинча турган жойи бўйича рўйхатга олинган ва ҳақиқатда яшовчи оила фарзандлари бириктирилган худудлар (микроҳудуд) доирасида спорт таълим муассасаларига жойлашиши таъминланади.

7. Давлат хизмати қўрсатилгани учун ариза берувчидан йигим ундирилмайди.

2-боб. Спорт таълим муассасаларига ўқишига кириш учун хужжатларни қабул қилиш бўйича давлат хизматларини қўрсатиш тартиби

8. Спорт таълим муассасаларига ўқишига кириш учун хужжатларни қабул қилиш бўйича давлат хизмати мазкур Регламентга 1-иловадаги схемага мувофиқ қўрсатилади.

9. Ариза берувчи ҳар йили:

Олимпия ва миллий спорт турлари бўйича давлат ихтисослаштирилган мактаб-интернатлари учун 20 июндан 20 июлга (шу куни ҳам) қадар;

спорта мактаблари ва ихтисослаштирилган спорта мактаблари, Олимпия ва паралимпия спорт турларига тайёрлаш марказлари учун 1 августдан 21 августга (шу куни ҳам) қадар исталган Давлат хизматлари марказига мурожаат қиласи ёки ЯИДХП давлат хизматидан электрон шаклда фойдаланиш учун рўйхатдан ўтади.

10. Ариза берувчининг мурожаатига асосан давлат хизматлари маркази ходими ариза берувчи номидан, ЯИДХП орқали мурожаат қилинганда эса, ариза берувчи мустақил равишда ушбу Регламентга 2-иловага мувофиқ сўровномани электрон шаклда тўлдиради.

Бунда ариза берувчи ўқувчининг ота-онаси ўрнини босувчи шахслар бўлган тақдирда, уларнинг қонуний вакили эканлигини тасдиқловчи хужжат илова қилинади.

11. Сўровнома қўйидаги кетма-кетлик асосида тўлдирилади:

қариндошлиқ даражаси белгиланади;

ариза берувчининг шахсий маълумотлари ва яшаш манзили “Электрон ҳукумат” идоралараро интеграциялашув платформаси орқали олинади;

ариза берувчи томонидан киритилган маълумотлар “Электрон ҳукумат” идоралараро интеграциялашув платформаси орқали олинган яшаш манзили тўғрисидаги маълумотлардан фарқли бўлса, ариза берувчи доимий яшаш манзилидаги Миграция ва фуқароликни расмийлаштириш бўлимига мурожаат қилган ҳолда яшаш манзилига аниқлик киритади;

ариза берувчи “Электрон ҳукумат” идоралараро интеграциялашув платформасидан олинган яшаш манзили тўғри эканлиги ёки яшаш манзилига аниқлик киритилгандан сўнг ЯИДХП орқали яшаш манзили тўғрисидаги маълумотларни электрон шаклда мустақил тўлдиради;

ариза берувчи ҳақидаги маълумотлар Ўзбекистон Республикаси фуқаролик ҳолати далолатномаларини ёзиш органлари маълумотлар базасидан автоматик тарзда тўлдирилади;

яшаш манзили бўйича спорт таълим муассасаси автоматик равишда белгиланади.

Ариза берувчининг яшаш манзили бўйича спорт таълим муассасасида танлаган спорт тури бўлмаган тақдирда, яқин ҳудудда жойлашган бошқа спорт таълим муассасаси бириктирилади.

12. Ариза берувчи сўровномага киритилган маълумотларнинг тўғрилигини текшириб, сўровномани тасдиқлайди.

Давлат хизматлари маркази томонидан сўровнома тўлдирилгандан сўнг ариза берувчи маълумотларнинг тўғрилигини текширади.

Сўровнома электрон рақамли имзо ёки тегишли имзолар идентификация қилишнинг бошқа воситалари (дактилоскопия ва бошқалар) билан тасдиқланиши мумкин.

13. Ариза берувчи Давлат хизматлари марказига келиб мурожаат этган тақдирда, унинг сўровномаси тўлдирилиб тасдиқлангандан сўнг ўн дақиқа мобайнида, ЯИДХП орқали мурожаат этганда автоматик тарзда спорт таълим муассасасига электрон шаклда юборилади.

Ариза берувчи давлат хизматидан фойдаланишдан уни кўрсатишнинг ҳар қандай босқичида бош тортиш ҳуқуқига эга. Ариза берувчи давлат хизматидан фойдаланишдан бош тортганда, унинг сўровномаси кўрилмасдан қолдирилади.

14. Спорт таълим муассасаси масъул ходими сўровномани уч иш қунида кўриб чиқади ва қабул комиссиясига йўналтиради ёки сабабини кўрсатган ҳолда қайтаради ҳамда бу ҳақда ариза берувчига хабар юборади.

Сўровномада нотўғри маълумотлар кўрсатилиши давлат хизматини кўрсатишни рад этиш учун асос ҳисобланади.

Спорт таълим муассасаси томонидан мурожаати қайтарилигдан ариза берувчи аввалги ариза рақамини кўрсатиб, аниқланган камчиликларни бартараф этган ҳолда қайта мурожаат қилади.

15. Ариза берувчи мурожаати бўйича юборилган спорт таълим муассасасига онлайн навбат бўйича боради ва қуидаги ҳужжатларни тақдим этади:

а) спорт мактаблари ва ихтисослаштирилган спорт мактабларига боланинг соғлиғи тўғрисидаги тиббий маълумотномани;

б) Олимпия ва паралимпия спорт турларига тайёрлаш марказига:

олимпия спорт турлари бўйича:

болаларнинг ота-оналари ёки уларнинг ўрнини босувчи шахслар томонидан Олимпия ва паралимпия спорт турларига тайёрлаш маркази директори номига ариза;

спорт мактаблари ва ихтисослаштирилган спорт мактаблари, спорт клублари ёки бошқа спорт таълим муассасалари томонидан берилигдан йўлланма;

спорт разряди ёки унвонини тасдиқловчи ҳужжатнинг асл нусхаси ҳамда спорт разряди ёки унвони тасдиқланганлиги тўғрисидаги буйруқдан кўчирма;

паралимпия спорт турлари бўйича:

болаларнинг ота-оналари ёки уларнинг ўрнини босувчи шахслар томонидан Олимпия ва паралимпия спорт турларига тайёрлаш маркази директори номига ариза ва ёзма розилиги;

тиббий-ижтимоий эксперт комиссияси (ТИЭК)нинг хулосаси;

Ўзбекистон Миллий паралимпия қўмитасининг тавсияномаси;

в) олимпия ва миллий спорт турлари бўйича давлат ихтисослаштирилган мактаб-интернатига:

Олимпия ва миллий спорт турлари бўйича давлат ихтисослаштирилган мактаб-интернати директори номига ариза;

туғилганлик тўғрисидаги гувоҳнома нусхаси (гувоҳноманинг асли қабул комиссиясига шахсан кўрсатилади).

16. Спорт таълим муассасасида ўқувчиларнинг ҳужжатларини қабул қилиш бўйича камида 5 нафардан иборат таркибда қабул комиссияси (кейинги ўринларда – қабул комиссияси) тузилади.

Қабул комиссияси таркиби Қорақалпоғистон Республикаси Ёшлиар сиёсати ва спорт вазирлиги, вилоятлар ва Тошкент шаҳар ёшлиар сиёсати ва спорт бошқармалари томонидан тасдиқланади.

Қабул комиссияси таркибига спорт таълим муассасаси директори, директорнинг ўқув, спорт ишлари бўйича ўринbosарлари, тренер, мактаб шифокори (психологи) ва ҳамшираси киритилади.

Қабул комиссиясига спорт таълим муассасаси директори раислик қилади, аъзоларнинг вазифалари қабул комиссияси раиси томонидан белгиланади.

Қабул жараёнининг шаффоғлигини таъминлаш мақсадида спорт таълим муассасаси жойлашган ҳудуддаги маҳалла вакиллари ҳамда кузатув кенгаши аъзолари ҳам жалб этилади.

17. Қабул комиссияси қуидаги ҳолатларда ўқувчиларнинг хужжатларини спорт таълим муассасасига қабул қилишни рад этади:

а) спорт мактаблари ва ихтисослаштирилган спорт мактабларида:

ўқувчининг тиббий маълумотномасида спорт мактабларида таълим олиш тавсия этилмаган бўлса;

сўровномада келтирилган маълумотларнинг нотўғрилиги аниқланса;

б) Олимпия ва паралимпия спорт турларига тайёрлаш марказида:

ўқувчининг тиббий маълумотномасида Олимпия ва паралимпия спорт турларига тайёрлаш марказида таълим олиш тавсия этилмаган бўлса;

ўқувчида тегишли спорт разряди ёки унвони мавжуд бўлмагандан;

сўровномада келтирилган маълумотлар нотўғрилиги аниқланса;

в) Олимпия ва миллий спорт турлари бўйича давлат ихтисослаштирилган мактаб-интернатида:

ўқувчининг тиббий маълумотномасида Олимпия ва миллий спорт турлари бўйича давлат ихтисослаштирилган мактаб-интернатида таълим олиш тавсия этилмаган бўлса;

сўровномада келтирилган маълумотлар нотўғрилиги аниқланса.

Бошқа ҳолатларда ўқувчилар хужжатларини спорт таълим муассасасига қабул қилишни рад этишга йўл қўйилмайди.

18. Қабул комиссияси бир иш кунида сўровнома ва унга илова қилинган хужжатларни имтиҳон топшириш учун қабул қилиш ёки сабабини аниқ кўрсатган ҳолда қабул қилишни рад этиш тўғрисида қарор қабул қиласди.

Мурожаат рад этилганда, қабул комиссияси шу куннинг ўзида хабарномани Давлат хизматлари марказига (ўзи келиб мурожаат этган тақдирда) ёки ариза берувчига (электрон шаклда мурожаат этган тақдирда) ЯИДХП орқали электрон шаклда юборади.

19. Ариза берувчи сўровнома ва унга илова қилинган хужжатларнинг спорт таълим муассасасига имтиҳон топшириш учун қабул қилинганлиги ёки қабул қилиш рад этилганлиги тўғрисидаги маълумотни ЯИДХП орқали автоматик тарзда тизимдан юклаб олади.

20. Мурожаати рад этилган ариза берувчи аввалги ариза рақамини кўрсатиб, аниқланган камчиликларни бартараф этган ҳолда беш иш кунида қайта мурожаат қилиши мумкин.

3-боб. Ўқиши спорт таълим муассасасидан бошқасига кўчириш бўйича давлат хизматларини кўрсатиш тартиби

21. Ариза берувчи ўз хоҳишига кўра ўқув йили давомида ёки ўқув йили тугаганидан сўнг бир спорт таълим муассасасидан бошқасига ўқишини кўчириши (кейинги ўринларда – ўқиши кўчириш) мумкин.

22. Ўқувчиларнинг бир спорт таълим муассасасидан бошқасига ўқиши кўчириш бўйича давлат хизмати мазкур Регламентга 3-иловадаги схемага мувофиқ кўрсатилади.

23. Ариза берувчи ўқиши кўчириш учун исталган Давлат хизматлари марказига мурожаат қиласи ёки ЯИДХП давлат хизматидан электрон шаклда фойдаланиш учун рўйхатдан ўтади.

24. Ариза берувчининг мурожаатига асосан Давлат хизматлари маркази ходими ариза берувчи номидан, ЯИДХП орқали мурожаат қилинганда эса, ариза берувчи мустақил равишда ушбу Регламентга 4-иловага мувофиқ сўровномани электрон шаклда тўлдиради.

Бунда ариза берувчи ўқувчининг ота-онаси ўрнини босувчи шахслар бўлган тақдирда, уларнинг қонуний вакили эканлигини тасдиқловчи хужжат илова қилинади.

25. Сўровнома қўйидаги кетма-кетликда тўлдирилади:

қариндошлиқ даражаси белгиланади;

ариза берувчининг шахсий маълумотлари ва яшаш манзили “Электрон ҳукумат” идоралараро интеграциялашув платформаси орқали олинади;

ариза берувчи томонидан киритилган маълумотлар “Электрон ҳукумат” идоралараро интеграциялашув платформаси орқали олинган яшаш манзили тўғрисидаги маълумотлардан фарқли бўлса, ариза берувчи доимий яшаш манзилидаги Миграция ва фуқароликни расмийлаштириш бўлимига мурожаат қилган ҳолда яшаш манзилига аниқлик киритади;

ариза берувчи томонидан “Электрон ҳукумат” идоралараро интеграциялашув платформасидан олинган яшаш манзили тўғри эканлиги ёки яшаш манзилига аниқлик киритилгандан сўнг ЯИДХП орқали яшаш манзили тўғрисидаги маълумотларни электрон шаклда мустақил тўлдиради;

ариза берувчининг фарзанди ҳақидаги маълумотлар тўлдирилади;

ўқиши кўчириладиган груп ёки синф танланади;

ўқиши кўчириладиган спорт таълим муассасаси танланади;

ўқишини кўчириш сабаби киритилади.

26. Ариза берувчи сўровномага киритилган маълумотларнинг тўғрилигини текшириб, сўровномани тасдиқлайди.

Ариза берувчи ўзи келиб мурожаат этганда, Давлат хизматлари маркази томонидан сўровнома тўлдирилгандан сўнг маълумотларнинг тўғрилигини текширади.

Сўровнома электрон рақамли имзо ёки тегишли имзолар идентификация қилишнинг бошқа воситалари (дактилоскопия ва бошқалар) билан тасдиқланиши мумкин.

27. Ариза берувчи Давлат хизматлари марказига келиб мурожаат этган тақдирда, унинг сўровномаси тўлдирилиб тасдиқлангандан сўнг ўн дақиқа мобайнида, ЯИДХП орқали мурожаат этганда автоматик тарзда спорт таълим муассасасига электрон шаклда юборилади.

Ариза берувчи давлат хизматидан фойдаланишдан уни кўрсатишнинг ҳар қандай босқичида бош тортиш ҳукуқига эга. Ариза берувчи давлат хизматидан фойдаланишдан бош тортганда, унинг сўровномаси кўрилмасдан қолдирилади.

28. Спорт таълим муассасаси сўровномани уч иш кунида кўриб чиқади.

29. Сўровнома ва унга илова қилинган ҳужжатларни кўриб чиқиш натижасига кўра спорт таълим муассасаси ўқишини кўчиришга рухсат бериш ёки сабабини аниқ кўрсатган ҳолда рад этиш тўғрисида қарор қабул қиласди.

Мурожаат рад этилганда, спорт таълим муассасаси бу тўғрисидаги хабарномани Давлат хизматлари марказига (ўзи келиб мурожаат этган тақдирда) ёки ариза берувчига (электрон шаклда мурожаат этган тақдирда) ЯИДХП орқали электрон шаклда юборади.

30. Қуйидаги ҳолларда ўқишини кўчириш рад этилади:

спорту таълим муассасаси (қабул қилинадиган гурух, синф)да бўш ўринлар мавжуд бўлмагандан;

ариза берувчининг фарзандида тегишли спорт разряди ёки унвони мавжуд бўлмагандан;

сўровномада нотўғри маълумотлар кўрсатилганда.

Бошқа ҳолатларда ўқишини кўчириш рад этилиши мумкин эмас.

31. Ариза берувчи спорт таълим муассасасига ўқишини кўчиришга рухсат берилганилиги ёки сабаби аниқ кўрсатилган ҳолда ўқишини кўчиришини рад этиш тўғрисидаги маълумотни Давлат хизматлари марказидан ёки ЯИДХП орқали автоматик тарзда тизимдан юклаб олади.

32. Ариза берувчига ўқишини кўчиришга рухсат берилганда, уч кун муддатда ўқиётган спорт таълим муассасасидан тегишли ҳужжатларини олиб, ўқиши кўчириладиган спорт таълим муассасасига тақдим этади.

Ариза берувчининг ўзи ўқиётган спорт таълим муассасасидаги гурух ёки синфга кўчиришга рухсат берилганда, тегишли ҳужжатлар спорт таълим муассасаси раҳбарияти томонидан расмийлаштирилади.

33. Мурожаати рад этилган ариза берувчи аввалги ариза рақамини кўрсатиб, аникланган камчиликларни бартараф этган ҳолда беш иш кунида қайта мурожаат қилиши мумкин.

34. Ўқиши давом этириш учун танланган спорт таълим муассасасига кўчирилган ўқувчи ўн кун ичидаги сабабсиз ёки спорт таълим муассасаси раҳбарияти ва тренерини хабардор қилмасдан машғулотларга келмаса, спорт таълим муассасаси директори бу ҳакда ота-оналарни, ўқувчининг яшаш жойидаги маҳалла фуқаролари йиғинини, Болалар масалалари бўйича туман (шаҳар) комиссияларини ҳамда ўқувчи таълим олаётган умумтаълим мактаби директорини ёзма равишда огоҳлантиради ва бир вақтнинг ўзида ўқувчининг машғулотларга келмаганлиги сабабларини аниқлаш ва уни машғулотларга жалб этиш чораларини кўради.

4-боб. Якунловчи қоидалар

35. Давлат органлари ва бошқа ташкилотлар ходимларининг хатти-ҳаракатлари юзасидан ариза берувчи томонидан қонунчилик ҳужжатларида белгиланган тартибда шикоят қилиниши мумкин.

36. Ушбу Регламентни қўллашда юзага келадиган низолар қонунчилик ҳужжатларида белгиланган тартибда ҳал этилади.

37. Мазкур Регламент талабларининг бузилишида айбдор бўлган шахслар қонунчилик ҳужжатларига мувофиқ жавоб берадилар.

Давлат спорт-таълим муассасаларига ўқувчиларнинг
хужжатларини қабул қилиш ҳамда уларнинг ўқишини
кўчириш бўйича давлат хизматларини кўрсатишнинг
маъмурий регламентига
1-илова

**Спорт таълим муассасаларига ўқишига кириш учун хужжатларни қабул қилиш
бўйича давлат хизматини кўрсатиш
СХЕМАСИ**

Босқичлар	Субъектлар	Тадбирлар	Бажариш муддатлари
1-bosqich	Ариза берувчи	<p>Давлат хизматидан фойдаланиш учун Давлат хизматлари марказига ўзи келган ҳолда ёки ЯИДХП орқали мурожаат қиласди.</p> <p>Олимпия ва миллий спорт турлари бўйича давлат ихтисослаштирилган мактаб-интернатлари учун.</p> <p>Спорт мактаблари ва ихтисослаштирилган спорт мактаблари, Олимпия ва паралимпия спорт турларига тайёрлаш марказлари учун.</p>	<p>Хар йили 20 июндан 20 июляга (шу куни ҳам) кадар</p> <p>Хар йили 1 августдан 21 августга (шу куни ҳам) кадар</p>
2-bosqich	1. Давлат хизматлари маркази 2. ЯИДХП	Сўровнома ва унга илова қилинган хужжатларни спорт таълим муассасасига юборади.	1. Сўровнома тасдиқлангандан сўнг ўн дақиқа мобайнида. 2. Сўровнома тасдиқлангандан сўнг автоматик тарзда
3-bosqich	Спорт таълим муассасаси масъул ходими	Сўровномани кўриб чиқади ва қабул комиссиясига йўналтиради ёки сабабини кўрсатган ҳолда қайтаради ҳамда бу ҳақда ариза берувчига хабар юборади.	Уч иш кунида
4-bosqich	Ариза берувчи	Мурожаати бўйича юборилган спорт таълим муассасасига боради ва тегишли хужжатларни тақдим этади.	Онлайн навбат бўйича
5-bosqich	Қабул комиссияси	<p>1. Сўровнома ва унга илова қилинган хужжатларни имтиҳон топшириш учун қабул қилиш ёки сабабини аник кўрсатган ҳолда қабул қилишни рад этиши тўғрисида карор қабул қиласди.</p> <p>2. Мурожаат рад этилганда, хабарномани Давлат хизматлари марказига (ўзи келиб мурожаат этган тақдирда) ёки ариза берувчига (электрон шаклда мурожаат этган тақдирда) ЯИДХП орқали электрон шаклда юборади.</p>	<p>1. Бир иш кунида</p> <p>2. Шу куннинг ўзида</p>
6-bosqich	Ариза берувчи	<p>1. Сўровнома ва унга илова қилинган хужжатларни спорт таълим муассасасига қабул қилинганлиги ёки қабул қилиш рад этилганлиги тўғрисидаги маълумотни ЯИДХП орқали юклаб олади.</p> <p>2. Мурожаати рад этилганда аввалги ариза рақамини кўрсатиб, аникланган камчиликларни бартараф этган ҳолда қайта мурожаат қилиши мумкин.</p>	<p>1. Автоматик тарзда</p> <p>2. Беш иш кунида</p>

Давлат спорт-таълим муассасаларига ўқувчиларнинг
хужжатларини қабул қилиш ҳамда уларнинг
ўқишини кўчириш бўйича давлат хизматларини
кўрсатишнинг маъмурий регламентига
2-илова

**Спорт таълим муассасаларига ўқишига қабул қилиш учун хужжатларни
такдим этиш бўйича
СЎРОВНОМА**

I. Ариза берувчи тўғрисида маълумот:

1. Қариндошлик даражаси (ота, она, уларнинг ўрнини босувчи шахс)
2. Фамилияси
3. Исми
4. Отасининг исми
5. Паспорт (ID карта) маълумотлари (серияси, рақами)
6. Жисмоний шахснинг шахсий идентификация рақами (ЖШШИР)
7. Яшаш манзили (“Электрон ҳукумат” идоралараро интеграциялашув платформасидан)
8. Яшаш манзили (киритиш орқали)
9. Телефон рақами

II. Ариза берувчининг фарзанди тўғрисида маълумот:

1. Фамилияси
2. Исми
3. Отасининг исми
4. Туғилганлик тўғрисида гувоҳнома (ID карта, паспорт) маълумотлари (серияси, рақами)
5. Жисмоний шахснинг шахсий идентификация рақами (ЖШШИР)
6. Туғилган санаси

III. Ўзбекистон Республикаси Ёшлар сиёсати ва спорт вазирлиги тизимидағи давлат спорт таълим муассасалари (спорт мактаби, ихтисослаштирилган спорт мактаби, Олимпия ва миллий спорт турлари бўйича давлат ихтисослаштирилган мактаб-интернати, Олимпия ва паралимпия спорт турларига тайёрлаш маркази) тўғрисидаги маълумотлар (автоматик равища):

1. Ҳудуд номи
2. Туман (шаҳар) номи
3. Ўзбекистон Республикаси Ёшлар сиёсати ва спорт вазирлиги тизимидағи давлат спорт таълим муассасалари (спорт мактаби, ихтисослаштирилган спорт мактаби, Олимпия ва миллий спорт турлари бўйича давлат ихтисослаштирилган мактаб-интернати, Олимпия ва паралимпия спорт турларига тайёрлаш маркази) номи (рақами)

Давлат спорт-таълим муассасаларига ўқувчиларнинг
хужжатларини қабул қилиш ҳамда уларнинг ўқишини
кўчириш бўйича давлат хизматларини кўрсатишнинг
маъмурий регламентига
3-илова

**Ўқувчиларни бир спорт таълим муассасасидан бошқасига ўқишини кўчириш
бўйича давлат хизматини кўрсатиш
СХЕМАСИ**

Босқичлар	Субъектлар	Тадбирлар	Бажариш муддатлари
1-босқич	Ариза берувчи	Давлат хизматидан фойдаланиш учун Давлат хизматлари марказига ўзи келган ҳолда ёки ЯИДХП орқали мурожаат килади.	Ўз хоҳишига кўра
2-босқич	1. Давлат хизматлари маркази 2. ЯИДХП	Сўровнома ва унга илова қилинган хужжатларни тааллуқлилиги бўйича спорт таълим муассасасига юборади.	1. Сўровнома тасдиқлангандан сўнг ўн дақиқа мобайнида. 2. Сўровнома тасдиқлангандан сўнг автоматик тарзда
3-босқич	Спорт таълим муассасаси	Сўровнома ва унга илова қилинган хужжатларни кўриб чиқиши натижасига кўра ўқишини кўчиришга рухсат беради ёки сабабини аниқ кўрсатган ҳолда ўқишини кўчириши рад этиш тўғрисида қарор қабул килади. Мурожаат рад этилганда, бу тўғрисидаги хабарномани Давлат хизматлари марказига (ўзи келиб мурожаат этган тақдирда) ёки ариза берувчига (электрон шаклда мурожаат этган тақдирда) ЯИДХП орқали электрон шаклда юборади.	Уч иш кунида
4-босқич	Ариза берувчи	1. Спорт таълим муассасасига ўқишини кўчиришга рухсат берилганилиги ёки сабаби аниқ кўрсатилган ҳолда ўқишини кўчириши рад этилганлиги тўғрисидаги маълумотни Давлат хизматлари марказидан ёки ЯИДХП орқали юклаб олади. 2. Спорт таълим муассасасидан тегишли хужжатларни олиб, ўқиши кўчириладиган спорт таълим муассасасига тақдим этади.	1. Автоматик тарзда 2. Уч иш кунида

Давлат спорт-таълим муассасаларига ўқувчиларнинг
хужжатларини қабул қилиш ҳамда уларнинг
ўқишини кўчириш бўйича давлат хизматларини
кўрсатишнинг маъмурий регламентига
4-илова

**Ўқувчиларни бир спорт таълим муассасасидан
бошқасига кўчириш бўйича
СЎРОВНОМА**

I. Ариза берувчи тўғрисида маълумот:

1. Қариндошлик даражаси (ота, она, уларнинг ўрнини босувчи шахс)
2. Фамилияси
3. Исли
4. Отасининг исми
5. Паспорт (ID карта) маълумотлари (серияси, рақами)
6. Жисмоний шахснинг шахсий идентификация рақами (ЖШШИР)
7. Яшаш манзили (“Электрон ҳукумат” идораларо интеграциялашув платформасидан)
8. Яшаш манзили (киритиш орқали)
9. Телефон рақами

II. Ариза берувчининг фарзанди тўғрисида маълумот:

1. Фамилияси
2. Исли
3. Отасининг исми
4. Туғилганлик тўғрисида гувоҳнома (ID карта, паспорт) маълумотлари (серияси, рақами)
5. Жисмоний шахснинг шахсий идентификация рақами (ЖШШИР)
6. Туғилган санаси
7. Тегишли спорт разряди ёки унвони
8. Ўқиш кўчириладиган гурӯҳ (синф)

III. Ўқиш кўчириладиган Ўзбекистон Республикаси Ёшлар сиёсати ва спорт вазирлиги тизимидағи спорт таълим муассасалари (спорт мактаби, ихтисослаштирилган спорт мактаби, Олимпия ва миллий спорт турлари бўйича давлат ихтисослаштирилган мактаб-интернати, Олимпия ва паралимпия спорт турларига тайёрлаш маркази) тўғрисидаги маълумотлар

1. Ҳудуд номи
2. Туман (شاҳар) номи
3. Ўзбекистон Республикаси Ёшлар сиёсати ва спорт вазирлиги тизимидағи спорт таълим муассасалари (спорт мактаби, ихтисослаштирилган спорт мактаби, Олимпия ва миллий спорт турлари бўйича давлат ихтисослаштирилган мактаб-интернати, Олимпия ва паралимпия спорт турларига тайёрлаш маркази) номи (рақами)
4. Ўқиши кўчириш сабаби

Вазирлар Маҳкамасининг
2023 йил “3” ноябрдаги 583-сон қарорига
2-илова

**Ўзбекистон футбол ассоциацияси футбол академиялариға
ўқувчиларнинг хужжатларини қабул қилиш ҳамда уларнинг
ўқишини кўчириш бўйича давлат хизматлари кўрсатишнинг
МАЪМУРИЙ РЕГЛАМЕНТИ**

1-боб. Умумий қоидалар

1. Мазкур Регламент Ўзбекистон футбол ассоциацияси ҳузуридаги футбол академиялариға (кейинги ўринларда – академия) ўқувчиларнинг ўқишига кириш учун хужжатларни қабул қилиш ҳамда уларда таҳсил олаётган ўқувчиларни бир академиядан бошқасига кўчириш бўйича давлат хизматини кўрсатиш тартибини белгилайди.

Ушбу Регламент бошқа вазирлик ва идоралар тизимидағи спорт таълим муассасалари ҳамда нодавлат спорт таълим ташкилотлариға нисбатан татбиқ этилмайди.

2. Мазкур Регламентда қуидаги асосий тушунчалар қўлланилади:

ариза берувчи – ушбу Регламентга мувофиқ академияга ўқишига кириш учун хужжатларини қабул қилишни ёки ўқишини бир академиядан бошқасига кўчириши сўраб мурожаат қилган Ўзбекистон Республикаси фуқароси, Ўзбекистон Республикаси ҳудудида яшаш гувоҳномасига эга бўлган чет эл фуқароси ёки фуқаролиги бўлмаган шахс (ўн олти ёшга тўлмаган шахс номидан мурожаат қилган унинг қонуний вакили);

давлат хизмати – Давлат хизматлари маркази ёки Ягона интерактив давлат хизматлари портали (кейинги ўринларда – ЯИДХП) орқали ариза берувчини академияга ўқишига кириш учун хужжатларини қабул қилиш ёки ўқувчининг ўқишини бир академия (гурух, синф)дан бошқасига кўчириш;

қабул режаси – академиянинг қуввати, тренерлар билан таъминланганлиги ва санитария талабларини инобатга олган ҳолда академия томонидан шакллантириладиган Ўзбекистон футбол ассоциацияси (кейинги ўринларда – ЎФА) тасдиқлайдиган режа.

3. ЯИДХП ва академия ўртасидаги электрон давлат хизматларини кўрсатиш доирасида ахборот алмашинуви “Электрон хукумат” идоралараро интеграциялашув платформаси орқали амалга оширилади.

Давлат хизмати кўрсатилишида олис ва чекка ҳудудларда фуқароларнинг электрон давлат хизматлари порталидан фойдаланиш имкониятлари мавжудлиги инобатга олинади.

4. ЎФА томонидан ҳар йили 1 майга қадар ўқувчиларнинг академияга ўқишига кириш учун ҳужжатларини қабул қилиш ёки уларни бир академиядан бошқасига ўқишини кўчириш бўйича давлат хизмати кўрсатиладиган ҳудудлар рўйхати, қабул муддатлари тасдиқланади ва ўз расмий веб-сайтида эълон қилинади.

Академияга ўқувчилар 5-синфга қабул қилинадилар.

5. Ариза берувчининг доимий яшаш ёки вақтинча турган жойи бўйича рўйхатга олинган ва ҳақиқатда яшовчи оила фарзандлари бириктирилган ҳудудлар доирасида академияга жойлашиши таъминланади.

6. Давлат хизмати кўрсатилгани учун ариза берувчидан йиғим ундирилмайди.

2-боб. Академияга ўқишига кириш учун ҳужжатларни қабул қилиш бўйича давлат хизматларини кўрсатиш тартиби

7. Академияга ўқишига кириш учун ҳужжатларни қабул қилиш бўйича давлат хизмати мазкур Регламентга 1-иловадаги схемага мувофиқ кўрсатилади.

8. Ариза берувчи ҳар йили 15 июндан 30 июлга қадар исталган Давлат хизматлари марказига мурожаат қиласи ёки ЯИДХП давлат хизматидан электрон шаклда фойдаланиш учун рўйхатдан ўтади.

9. Ариза берувчининг мурожаатига асосан Давлат хизматлари маркази ходими ариза берувчининг номидан, ЯИДХП орқали мурожаат қилинганда эса, ариза берувчи мустақил равишда ушбу Регламентга 2-иловага мувофиқ сўровномани электрон шаклда тўлдиради.

Бунда ариза берувчи ўқувчининг ота-онаси ўрнини босувчи шахслар бўлган тақдирда, уларнинг қонуний вакили эканлигини тасдиқловчи ҳужжат илова қилинади.

10. Сўровнома қўйидаги кетма-кетлик асосида тўлдирилади:
қариндошлиқ даражаси белгиланади;
ариза берувчининг шахсий маълумотлари ва яшаш манзили “Электрон ҳукумат” идоралараро интеграциялашув платформаси орқали олинади;
ариза берувчи томонидан киритилган маълумотлар “Электрон ҳукумат” идоралараро интеграциялашув платформаси орқали олинган яшаш манзили тўғрисидаги маълумотлардан фарқли бўлса, ариза берувчи доимий яшаш манзилидаги Миграция ва фуқароликни расмийлаштириш бўлимига мурожаат қилган ҳолда яшаш манзилига аниқлик киритади;

ариза берувчи томонидан “Электрон ҳукумат” идоралараро интеграциялашув платформасидан олинган яшаш манзили тўғри эканлиги ёки яшаш манзилига аниқлик киритилгандан сўнг ЯИДХП орқали яшаш манзили тўғрисидаги маълумотларни электрон шаклда мустақил тўлдиради;

ариза берувчи ҳақидаги маълумотлар Ўзбекистон Республикаси фуқаролик ҳолати далолатномаларини ёзиш органлари маълумотлар базасидан автоматик тарзда тўлдирилади;

яшаш манзили бўйича академия автоматик равишда белгиланади.

11. Ариза берувчи сўровномага киритилган маълумотларнинг тўғрилигини текшириб, сўровномани тасдиқлайди.

Ариза берувчи ўзи келиб мурожаат этганда, Давлат хизматлари маркази томонидан сўровнома тўлдирилгандан сўнг ариза берувчи маълумотларнинг тўғрилигини текширади.

Сўровнома электрон рақамли имзо ёки тегишли имзолар идентификация қилишнинг бошқа воситалари (дактилоскопия ва бошқалар) билан тасдиқланиши мумкин.

12. Ариза берувчи Давлат хизматлари марказига келиб мурожаат этган тақдирда, унинг сўровномаси тўлдирилиб тасдиқлангандан сўнг ўн дақиқа мобайнида, ЯИДХП орқали мурожаат этганда автоматик тарзда академияга электрон шаклда юборилади.

Ариза берувчи давлат хизматидан фойдаланишдан уни кўрсатишининг ҳар қандай босқичида бош тортиш ҳуқуқига эга. Ариза берувчи давлат хизматидан фойдаланишдан бош тортганда, унинг сўровномаси кўрилмасдан қолдирилади.

13. Академия масъул ходими сўровномани уч иш кунида кўриб чиқади ва қабул комиссиясига йўналтиради ёки сабабини кўрсатган ҳолда қайтаради ҳамда бу ҳақда ариза берувчига хабар юборади.

Сўровномада нотўғри маълумотлар кўрсатилиши давлат хизмати кўрсатишни рад этиш учун асос ҳисобланади.

Академия томонидан мурожаати қайтарилиган ариза берувчи аввалги ариза рақамини кўрсатиб, аниқланган камчиликларни бартараф этган ҳолда қайта мурожаат қиласи.

14. Ариза берувчи мурожаати бўйича юборилган академияга онлайн навбат бўйича боради ва қуидаги ҳужжатларни тақдим этади:

номзоднинг ота-оналари ёки уларнинг ўрнини босувчи шахслар томонидан академия директори номига ариза;

туғилганлик тўғрисида гувоҳнома нусхаси ёки 16 ёшга тўлган шахслар учун биометрик паспорт (ID карта) ёхуд хорижга чиқиш паспорти нусхаси;

тиббий маълумотномалар (Ф-026-у шаклдаги мактаб тиббий анкетаси, Ф-063-у шаклдаги профилактик эмлаш картаси, Ф-086-у шаклдаги тиббий маълумотнома, турар жойидан болалар врачидан кечирган касалликлари тўғрисидаги маълумотнома, психоневрологик диспансердан маълумотнома);

номзоднинг спорт паспорти нусхаси ёки футболчи паспорти (мавжуд бўлса).

15. Академияда ўқувчиларнинг ҳужжатларини қабул қилиш бўйича камида 5 нафардан иборат таркибда қабул комиссияси (кейинги ўринларда – қабул комиссияси) тузилади.

Қабул комиссияси таркиби ЎФА томонидан тасдиқланади.

Қабул жараёнининг шаффоғлигини таъминлаш мақсадида академия жойлашган ҳудуддаги маҳалла вакиллари ҳамда кузатув кенгаши аъзолари ҳам жалб этилиши мумкин.

16. Қабул комиссияси бир иш қунида ҳужжатларни имтиҳон топшириш учун қабул қилиш ёки сабабини аниқ кўрсатган ҳолда қабул қилишни рад этиш тўғрисида қарор қабул қиласди.

Мурожаат рад этилганда қабул комиссияси шу куннинг ўзида хабарномани Давлат хизматлари марказига (ўзи келиб мурожаат этган тақдирда) ёки ариза берувчига (электрон шаклда мурожаат этган тақдирда) ЯИДХП орқали электрон шаклда юборади.

17. Ариза берувчи сўровнома ва унга илова қилинган ҳужжатларнинг академияга имтиҳон топшириш учун қабул қилинганлиги ёки қабул қилиш рад этилганлиги тўғрисидаги маълумотни ЯИДХП орқали автоматик тарзда тизимдан юклаб олади.

18. Мурожаати рад этилган ариза берувчи аввалги ариза рақамини кўрсатиб, аниқланган камчиликларни бартараф этган ҳолда беш иш қунида қайта мурожаат қилиши мумкин.

3-боб. Ўқиши академиядан бошқасига кўчириш бўйича давлат хизматларини кўрсатиш тартиби

19. Ариза берувчи ўз хоҳишига кўра ўқув йили давомида ёки ўқув йили тугаганидан сўнг бир академиядан бошқасига ўқишини кўчириши (кейинги ўринларда – ўқиши кўчириш) мумкин.

20. Ўқувчиларни бир академиядан бошқасига ўқиши кўчириш бўйича давлат хизмати мазкур Регламентга 3-иловадаги схемага мувофиқ кўрсатилади.

21. Ариза берувчи ўқиши кўчириш учун исталган Давлат хизматлари марказига мурожаат қиласди ёки ЯИДХП давлат хизматидан электрон шаклда фойдаланиш учун рўйхатдан ўтади.

22. Ариза берувчининг мурожаатига асосан Давлат хизматлари маркази ходими ариза берувчи номидан, ЯИДХП орқали мурожаат қилинганда эса, ариза берувчи мустақил равишда ушбу Регламентга 4-иловага мувофиқ сўровномани электрон шаклда тўлдиради.

Бунда ариза берувчи ўқувчининг ота-онаси ўрнини босувчи шахслар бўлган тақдирда, уларнинг қонуний вакили эканлигини тасдиқловчи ҳужжат илова қилинади.

23. Сўровнома қўйидаги кетма-кетликда тўлдирилади:
- қариндошлиқ даражаси белгиланади;
- ариза берувчининг шахсий маълумотлари ва яшаш манзили “Электрон ҳукумат” идоралараро интеграциялашув платформаси орқали олинади;
- ариза берувчи томонидан киритилган маълумотлар “Электрон ҳукумат” идоралараро интеграциялашув платформаси орқали олинган яшаш манзили тўғрисидаги маълумотлардан фарқли бўлса, ариза берувчи доимий яшаш манзилидаги Миграция ва фуқароликни расмийлаштириш бўлимига мурожаат қилган ҳолда яшаш манзилига аниқлик киритади;
- ариза берувчи томонидан “Электрон ҳукумат” идоралараро интеграциялашув платформасидан олинган яшаш манзили тўғри эканлиги ёки яшаш манзилига аниқлик киритилгандан сўнг ЯИДХП орқали яшаш манзили тўғрисидаги маълумотларни электрон шаклда мустақил тўлдиради;
- ариза берувчининг фарзанди ҳақидаги маълумотлар тўлдирилади;
- ўқиши кўчириладиган груп ёки синф танланади;
- ўқиши кўчириладиган академия танланади;
- ўқишини кўчириш сабаби киритилади.
24. Ариза берувчи сўровномага киритилган маълумотларнинг тўғрилигини текшириб, сўровномани тасдиқлайди.
- Ариза берувчи ўзи келиб мурожаат этганда, Давлат хизматлари маркази томонидан сўровнома тўлдирилгандан сўнг маълумотларнинг тўғрилигини текширади.
- Сўровнома электрон рақамли имзо ёки тегишли имзолар идентификация қилишнинг бошқа воситалари (дактилоскопия ва бошқалар) билан тасдиқланиши мумкин.
25. Ариза берувчи Давлат хизматлари марказига келиб мурожаат этган тақдирда, унинг сўровномаси тўлдирилиб тасдиқлангандан сўнг ўн дақиқа мобайнида, ЯИДХП орқали мурожаат этганда автоматик тарзда академияга электрон шаклда юборилади.
- Ариза берувчи давлат хизматидан фойдаланишдан уни кўрсатишнинг ҳар қандай босқичида бош тортиш ҳуқуқига эга. Ариза берувчи давлат хизматидан фойдаланишдан бош тортганда, унинг сўровномаси кўрилмасдан қолдирилади.
26. Академия сўровномани уч иш кунида кўриб чиқади.
27. Сўровнома ва унга илова қилинган ҳужжатларни кўриб чиқиш натижасига кўра академия ўқиши кўчиришга рухсат бериш ёки сабабини аниқ кўрсатган ҳолда ўқиши кўчиришни рад этиш тўғрисида қарор қабул қиласади.
- Мурожаат рад этилганда, академия бу тўғрисидаги хабарномани Давлат хизматлари марказига (ўзи келиб мурожаат этган тақдирда) ёки ариза

берувчига (электрон шаклда мурожаат этган тақдирда) ЯИДХП орқали электрон шаклда юборади.

28. Қўйидаги ҳолларда ўқишни кўчириш рад этилади:

академия (қабул қилинадиган гурух, синф)да бўш ўринлар мавжуд бўлмаганда;

ариза берувчининг фарзандида тегишли спорт разряди ёки унвони мавжуд бўлмаганда;

сўровномада нотўғри маълумотлар кўрсатилганда.

Бошқа ҳолатларда ўқишни кўчириш рад этилиши мумкин эмас.

29. Ариза берувчи академияга ўқишни кўчиришга рухсат берилганлиги ёки сабаби аниқ кўрсатилган ҳолда ўқишни кўчиришни рад этиш тўғрисидаги маълумотни Давлат хизматлари марказидан ёки ЯИДХП орқали автоматик тарзда тизимдан юклаб олади.

30. Ариза берувчига ўқишни кўчиришга рухсат берилганда, уч кун муддатда ўқиётган академиядан тегишли ҳужжатларни олиб, ўқиши кўчириладиган академияга тақдим этади.

Ариза берувчининг ўзи ўқиётган академиядаги гурух ёки синфа кўчиришга рухсат берилганда, тегишли ҳужжатлар академия раҳбарияти томонидан расмийлаштирилади.

31. Мурожаати рад этилган ариза берувчи аввалги ариза рақамини кўрсатиб, аникланган камчиликларни бартараф этган ҳолда беш иш кунида қайта мурожаат қилиши мумкин.

32. Ўқишни давом эттириш учун танланган академияга кўчирилган ўқувчи ўн кун ичida сабабсиз ёки академия раҳбарияти ва тренерини хабардор қилмасдан машғулотларга келмаса, академия директори бу ҳақда отаоналарни, ўқувчининг яшаш жойидаги маҳалла фуқаролари йиғинини, Болалар масалалари бўйича туман (шаҳар) комиссияларини ҳамда ўқувчи таълим олаётган умумтаълим мактаби директорини ёзма равишда огоҳлантиради ва бир вақтнинг ўзида ўқувчининг машғулотларга келмаганлиги сабабларини аниқлаш ва уни машғулотларга жалб этиш чораларини кўради.

4-боб. Якунловчи қоидалар

33. Давлат органлари ва бошқа ташкилотлар ходимларининг хатти-ҳаракатлари юзасидан ариза берувчи томонидан қонунчилик ҳужжатларида белгиланган тартибда шикоят қилиниши мумкин.

34. Ушбу Регламентни кўллашда юзага келадиган низолар қонунчилик ҳужжатларида белгиланган тартибда ҳал этилади.

35. Мазкур Регламент талабларининг бузилишида айбор бўлган шахслар қонунчилик ҳужжатларига мувофиқ жавоб берадилар.

Ўзбекистон футбол ассоциацияси футбол академияларига
ўқувчиларнинг хужжатларини қабул қилиш ҳамда
уларнинг ўқишини кўчириш бўйича давлат хизматларини
кўрсатишнинг маъмурий регламентига
1-илова

**Академияга ўқишига кириш учун хужжатларни қабул қилиш
бўйича давлат хизматини кўрсатиш
СХЕМАСИ**

Босқичлар	Субъектлар	Тадбирлар	Бажариш муддатлари
1-босқич	Ариза берувчи	Давлат хизматидан фойдаланиш учун Давлат хизматлари марказига ўзи келган ҳолда ёки ЯИДХП орқали мурожаат килади.	Хар йили 15 июндан 30 июнга қадар
2-босқич	1. Давлат хизматлари маркази 2. ЯИДХП	Сўровнома ва унга илова қилинган хужжатларни академияга юборади.	1. Сўровнома тасдиқлангандан сўнг ўн дақиқа мобайнида. 2. Сўровнома тасдиқлангандан сўнг автоматик тарзда
3-босқич	Академия масъул ходими	Сўровномани кўриб чиқади ва қабул комиссиясига йўналтиради ёки сабабини кўрсатган ҳолда кайтаради ҳамда бу хақда ариза берувчига хабар юборади.	Уч иш кунида
4-босқич	Ариза берувчи	Мурожаати бўйича юборилган академияга боради ва тегишли хужжатларни тақдим этади.	Онлайн навбат бўйича
5-босқич	Қабул комиссияси	1. Сўровнома ва унга илова қилинган хужжатларни академияга имтиҳон топшириш учун қабул қилиш ёки сабабини аниқ кўрсатган ҳолда қабул қилишни рад этиш тўғрисида карор қабул килади. 2. Мурожаати рад этилганда, хабарномани Давлат хизматлари марказига (ўзи келиб мурожаат этган тақдирда) ёки ариза берувчига (электрон шаклда мурожаат этган тақдирда) ЯИДХП орқали электрон шаклда юборади.	1. Бир иш кунида 2. Шу куннинг ўзида
6-босқич	Ариза берувчи	1. Сўровнома ва унга илова қилинган хужжатларни академияга қабул қилинганилиги ёки қабул қилиш рад этилганлиги тўғрисидаги маълумотни ЯИДХП орқали юклаб олади. 2. Мурожаати рад этилганда аввалги ариза ракамини кўрсатиб, аниқланган камчилликларни бартараф этган ҳолда кайта мурожаат қилиши мумкин.	1. Автоматик тарзда 2. Беш иш кунида

Ўзбекистон футбол ассоциацияси футбол
академияларига ўқувчиларнинг хужжатларини қабул
қилиш ҳамда уларнинг ўқишини кўчириш бўйича давлат
хизматларини кўрсатишнинг маъмурӣ регламентига
2-илова

**Академияга ўқишига қабул қилиш учун хужжатларни
такдим этиш бўйича
СЎРОВНОМА**

I. Ариза берувчи тўғрисида маълумот:

1. Қариндошлиқ даражаси (ота, она, уларнинг ўрнини босувчи шахс)
2. Фамилияси
3. Исми
4. Отасининг исми
5. Паспорт (ID карта) маълумотлари (серияси, рақами)
6. Жисмоний шахснинг шахсий идентификация рақами (ЖШШИР)
7. Яшаш манзили (“Электрон ҳукумат” идоралараро интеграциялашув платформаси)
8. Яшаш манзили (киритиш орқали)
9. Телефон рақами

II. Ариза берувчининг фарзанди тўғрисида маълумот:

1. Фамилияси
2. Исми
3. Отасининг исми
4. Туғилганлик тўғрисида гувоҳнома (ID карта, паспорт) маълумотлари (серияси, рақами)
5. Жисмоний шахснинг шахсий идентификация рақами (ЖШШИР)
6. Туғилган санаси
7. Тегишли спорт разряди ёки унвони

**III. Ўзбекистон футбол ассоциацияси футбол академиялари тўғрисидаги
маълумотлар (автоматик равишда):**

1. Худуд номи
2. Туман (шаҳар) номи
3. Ўзбекистон футбол ассоциацияси футбол академияси номи

Ўзбекистон футбол ассоциацияси футбол академияларига
ўқувчиларнинг хужжатларини қабул қилиш ҳамда
уларнинг ўқишини кўчириш бўйича давлат хизматларини
кўрсатишнинг маъмурий регламентига
3-илова

**Ўқувчиларни бир футбол академиясидан бошқасига ўқишини кўчириш бўйича
давлат хизматини кўрсатиш
СХЕМАСИ**

Босқичлар	Субъектлар	Тадбирлар	Бажариш муддатлари
1-bosqich	Ариза берувчи	Давлат хизматидан фойдаланиш учун Давлат хизматлари марказига ўзи келган ҳолда ёки ЯИДХП орқали мурожаат килади.	Ўз хоҳишига кўра
2-bosqich	1. Давлат хизматлари маркази 2. ЯИДХП	Сўровнома ва унга илова қилинган хужжатларни тааллуқлилиги бўйича футбол академиясига юборади.	1. Сўровнома тасдиқлангандан сўнг ўн дақиқа мобайнида. 2. Сўровнома тасдиқлангандан сўнг автоматик тарзда
3-bosqich	Футбол академияси	Сўровнома ва унга илова қилинган хужжатларни кўриб чиқиши натижасига кўра ўқишини кўчиришга рухсат беради ёки сабабини аниқ кўрсатган ҳолда ўқишини кўчириши рад этиш тўғрисида қарор қабул килади. Мурожаат рад этилганда, бу тўғрисидаги хабарномани Давлат хизматлари марказига (ўзи келиб мурожаат этган тақдирда) ёки ариза берувчига (электрон шаклда мурожаат этган тақдирда) ЯИДХП орқали электрон шаклда юборади.	Уч иш кунида
4-bosqich	Ариза берувчи	1. Футбол академиясига ўқишини кўчиришга рухсат берилганини ёки сабаби аниқ кўрсатилган ҳолда ўқишини кўчириши рад этилганини тўғрисидаги маълумотни Давлат хизматлари марказидан ёки ЯИДХП орқали юклаб олади. 2. Футбол академиясидан тегишли хужжатларни олиб, ўқиши кўчириладиган академияга тақдим этади.	1. Автоматик тарзда 2. Уч иш кунида

Ўзбекистон футбол ассоциацияси футбол
академияларига ўқувчиларнинг хужжатларини қабул
қилиш ҳамда уларнинг ўқишини кўчириш
бўйича давлат хизматларини кўрсатишнинг
маъмурий регламентига
4-илова

Ўқувчиларни бир футбол академиясидан бошқасига кўчириш бўйича СЎРОВНОМА

I. Ариза берувчи тўғрисида маълумот:

1. Қариндошлик даражаси (ота, она, уларнинг ўрнини босувчи шахс)
2. Фамилияси
3. Исми
4. Отасининг исми
5. Паспорт (ID карта) маълумотлари (серияси, рақами)
6. Жисмоний шахснинг шахсий идентификация рақами (ЖИШШИР)
7. Яшаш манзили (“Электрон хукумат” идоралараро интеграциялашув платформаси)
8. Яшаш манзили (киритиш орқали)
9. Телефон рақами

II. Ариза берувчининг фарзанди тўғрисида маълумот:

1. Фамилияси
2. Исми
3. Отасининг исми
4. Туғилганлик тўғрисида гувоҳнома (ID карта, паспорт) маълумотлари (серияси, рақами)
5. Жисмоний шахснинг шахсий идентификация рақами (ЖИШШИР)
6. Туғилган санаси
7. Тегишли спорт разряди ёки унвони
8. Ўқишиларни кўчириладиган гурӯҳ (синф)

III. Ўқишиларни кўчириладиган Ўзбекистон футбол ассоциацияси футбол академияси тўғрисидаги маълумотлар

1. Худуд номи
2. Туман (шаҳар) номи
3. Ўзбекистон футбол ассоциацияси футбол академияси номи
4. Ўқишиларни кўчириш сабаби

